

Handwritten text in Gothic script, left column, top section.

Small circular stamp or label, partially obscured by the text.

Handwritten text in Gothic script, left column, middle section.

Handwritten text in Gothic script, left column, bottom section.

Handwritten text in Gothic script, right column, top section.

Handwritten text in Gothic script, right column, middle section.

Handwritten text in Gothic script, right column, bottom section.

TOMUS XXXIV.
MISCELLANEOUM.

~~G. V. f.~~ EX BIBLIOTH.
NATIONIS HUNGAR.

VITEBERG.

V-45.

SIGNAT. MDCCCXIII.

6 b. 11.

CATENA AVREA

SIVE

ORDO ADMIRA-
BILIS ACTIONVM DEI

IN NOSTRA SALVTE CONF-
cienda; descriptus à D. Paulo, Rom. 8. v. 29.
breuibus Thesisibus explicatus:

*De quibus disputabitur, volente Deo, in Auditorio Theo-
logico. 3. Martij. horis matutinis.*

PRÆSIDE

DANIELE TOSSANO S. THEO-
LOGIÆ D. ET PROFESSORE.

Respondente

PETRO PINIO EMBDANO FRISIO.



HEIDELBERGAE,
Typis Abrahami Smeismanni.
ANNO MDCCXCIII.





ANTIQUAE NOBILITATIS,
ET VIRTUTIS, SUMMAEQVE
AVTORITATIS VIRO, D. LVDOVICO
HVTTENNO, equiti Franco, & illu-
strissimi Electoris FRIDERI-
CI IV. ab intimis
consiliis.

Quantum tibi, Vir nobilissime, Ecclesia & schola debeat, qui serenissimum Electorem saluberrimis tuis consiliis reddis & efficis utriq; patronum beneficentissimum, video ego quidem, & vident mecum alij boni. Sed quâ ratione, nisi forte piis votis, animum erga te, splendidissimum virum, testificari possimus, non video. Aurum & argentum, ut D. Petrus loquebatur, non est mihi: & ut maximè offerre possèm: scio te aurum, & aureas illas catenas, quibus vulgus nobilium superbire solet, non magnifacere; memorem proculdubio eius, quod B. Augustinus scribit: Aurum non facit hominem beatum, nec vlla pompa huius seculi. Ergo quod habeo, id do: imò de promo potius ex sacra scriptura thesauris, AUREVM TORQVEM, quem animo tuo appendas, & quo te in vita & morte oblectes. Tu vir amplissime huiusmodi munus boni consule: & nobis, id est Ecclesie, & schola favere perge. Die Matthia Apostoli.

Act. 3.
Serm. 61. de temp.

TVI OBSERVANTISS.

DAN. TOSSANVS.





II

CATENA AVREA

SIVE

Ordo salutis & Redemptionis
nostræ Rom. 8. vers. 29.

QVOS
PRÆCOGNOVIT
EOSDEM
PRÆDESTINAVIT
VOCAVIT
IVSTIFICAVIT
ET
GLORIFICAVIT.

THESIS PRIMA.



T omnia sapientissimo ordine disposuit
Deus Opt. Max: sic in primis salutis no-
stræ dispensationem.

II.

Quem ordinem qui non obseruat, facile aberrat,
& in varia præcipitia ruit.

III.

Nam vel dubitat, an satis firmam habeat fidem, an
Deum satis perfectè diligit: vel præsumptione qua-
dam à Prædestinatione vn̄o saltu volens ad Glorifica-
tionem

A 2

tionem peruenire, securus uiuit, & de serua ad Deum conuersione non laborat.

IV.

Etsi uerò ab effectis & signis ad causas illas primas nos deducere solet scriptura: & ex fide, ac Dei & pxi- mi dilectione de electione nostra iudicari uult: quo- tiescunq; tamen ueram ac totam nostræ salutis ratio- nem recognoscere uolumus: & quinam illi sint, qui- bus omnia etiam calamitosissima in bonum cedunt, CATENA illa aurea, siue ordo operum Dei & cau- sarum nostræ salutis, sicut ab Apostolo ad Rom. 8. proponitur, considerari debet.

V.

Cæterum nihil commune habet hæc nostra Cate- na cum fato Stoico, siue cum Stoicorum catenatione ex causarum naturalium nexu & implicata serie con- flata, cui Deum ipsum subiiciebant: sed Deum con- stituit Apostolus spontaneum ac sapientissimum au- torem & moderatorem unicum & clementissimum nostræ salutis.

VI.

Et est illud in primis obseruandum, initium, me- dium & finem, seu consummationem nostræ salutis, Deo in solidum tribui: nihil hîc præparationis no- stræ, nihil ex illis actionibus cum homine diuidi: cum Deus solus Electos suos præcognouerit, prædestina- uerit ad salutem & gloriam, solus efficaciter uocet, solus iustificet, solus glorificet.

VII.

Quæ res tum ad certitudinem nostræ salutis facit, quemadmodum his uerbis ostendit Apostolus: *Novi- mus iis, qui diligunt Deum, omnia simul conferre ad bonum; iis, qui ex proposito ipsius uocati sunt: tum ad Dei gloriam, qui*

Rom. 8.

Philipp. 2.

1. Cor. 4.

qui in nobis efficit velle & perficere: vt qui gloriatur in
Domino gloriatur.

VIII.

Et quidem hoc ordine peragi & confici nostram
salutē (si à summo & primo gradu ad extremum pro-
gredi velimus) testatur Apostolus, quòd nos Deus
ab æterno PRÆCOGNUIT, non iuxta opera, quæ 2. Timo. 1.
in nobis prævideret, qui nihil eramus, nec sumus,
quàm quod nos esse voluit: verùm iuxta decretum,
siue propositum gratuitæ voluntatis, cui liberum fuit
quosdam eligere, agnoscere & acceptare ex tota illa
massa generis humani.

IX.

Alter gradus & quasi orbiculus illius catenæ, est
illorum, quos mero beneplacito segregavit, & vt suos
agnouit, PRÆDESTINATIO; siue ordinatio ad Ephes. 2.
vitam & salutem consequendam per Christum, & in- vers. 5.
sitionem in illum, vt essent membra eius, & partici-
pes tum passionum, tum gloriæ.

X.

Illi sunt qui dicuntur DATI FILIO & oues CHRI- Ioh. 6.
STI, & ORDINATI ad vitam æternam. Ioh. 10.

XI.

Illæ actiones, quæ in Deo realiter idem sunt, & si-
mul fiunt, ratione differunt, & à nobis ordinis causâ
distinguuntur: Electio sc. & destinatio tum ad media,
tum ad finem ab æterno, ante omnia secula, sine vlla
præuisione futuræ fidei vel incredulitatis ex mero
Dei proposito & beneplacito. Act. 13.

XII.

Quid enim præuidere potuit in iis, qui nec erant,
nec aliquid sunt eximij, nisi ex gratia, & quatenus illis

A 3 sua

sua dona largitur: qui denique omnes in peccatis e-
cepti & nati sunt?

XIII.

Idcirco prudenter & ingenuè fecit D. Augustinus,
lib. 1. Re- qui cum ante sensisset, Deum (vt ipse loquitur) *elegif-*
tracta. ca. se fidem in prescientia, siue eos, quos presciuit credituros:
61. & 62. id retractauit: nunquam enim hoc dixissem (inquit) si co-
gita- gitassem, ipsam Fidem inter Dei munera reperiri: & Apo-
1. Timot. 1. stolum dicere: Misericordiam consequutus sum: non quia fi-
delis eram, sed vt fidelis essem.

XIV.

Tertius gradus est VOCATIO: non illa genera-
lis & externa per prædicationem Euangelij, de qua
Matth. 20. Multi vocati, pauci electi: sed specialis illa,
2. Timot. 1. quæ κατ' ἐξουσίᾳ sancta vocatur ex proposito & gra-
tia: efficax, aperiens corda & aures, vt audiamus & a-
gnoscamus vocem pastoris.

XV.

Quæ vocatio gradus est ad IUSTIFICATIO-
NEM, quartum huius Catenæ orbiculum, siue an-
nulum.

XVI.

Serm. 7. in Præclare ergo Bernhardus: Sicut Prædestinatio nullū
Psal. 91. habet principium: sic Glorificatio nullo fine claudetur: sed vi-
de, vt ad Glorificationem tendas per medium PONTEM,
qui à Prædestinatione ad Glorificationem ducit: is est VOCATIO,
& IUSTIFICATIO.

XVII.

Eadem enim illa Prouidentia, quæ ad finem desti-
nauit: simul media ordinauit & præparauit, per quæ
ad finem illum gloriosum perueniamus.

XVIII.

Vult nimirum audiri Euangelij prædicationem:
vult

vult per Spiritum S. corda nostra flectere, fidem inspirare, Christo nos inserere, & in dies sanctificare: quæ omnia & superioribus capitibus explicavit Apostolus, & duabus illis vocibus VOCATIONIS & IUSTIFICATIONIS capite octavo summarie complexus est.

XIX.

Quare tantum abest, ut Prædestinatio excludat auditum verbi, obedientiam, Fidem, Sanctificationem, ut ex his potius signis & effectis de nostra Electione iudicari, & eam (ut loquitur D. Petrus) *firmam* 2. Petr. 1. effici oporteat: non Dei respectu, cuius Electio est æterna, & dona illa erga Electos ἀμεταμέλητα sunt, sed quatenus ex effectis causa à nobis colligitur.

XX.

Deus porrò tum Iustificationis tum Sanctificationis causa sola efficiens passim in Scripturis constituitur: Christus mediator cum sua victimâ, causa materialis & meritoria: sicut formalis causa salutis, ipsa Iustificatio rectè dici potest.

XXI.

Iustificat autem nos Deus non iustitia sua Essentiali, quæ in nos infundatur: nec qualitatibus infusis, siue Iustitia habituali: quanquam hæc quoque inchoatur in nobis: sed absoluendo nos ab omni condemnatione: remittendo nobis peccata per & propter filij meritum & obedientiam.

XXII.

Vnde Pæan ille triumphalis Apostoli, *Quis intendant crimina adversus Electos Dei? Deus est, qui iustificat:* Rom. 8. *Quis est, qui condemnet? Christus is est, qui mortuus est, &c.* quasi dicat, Nos quidem & omnia nostra opera facile cõtemneret & prosterneret Sathanas: sed mis-

fos nos faciat oportet, cum eum ablegamus ad illum,
qui sedet ad dextram patris, & pro nobis intercedit.

XXIII.

Sequitur vltimus gradus, G L O R I F I C A T I O, quæ
2. Thes. 1. exspectatur in futuro seculo, quãdo veniet Christus,
vt glorificetur in sanctis suis: quæ gloria cernetur, nõ
solum in corporibus gloriosis, quæ fient conformia
Philipp. 3. corpori Christi glorioso: sed & in plena instauratione
1. Cor. 15. imaginis Dei: quando Deus erit omnia in omnibus.

XXIV.

2. Tim. 4. Tunc, inquam, coronam iustitiæ reddet iustus iudex,
inquit D. Paulus. Cui autem redderet coronam illam iustus
iudex, si non donasset gratiam misericors pater, vt piè mo-
net B. Augustinus ad Valentinum de Gratia.

XXV.

O admirabiles diuitias gratiæ, sapientiæ & poten-
Serm. 16. tiæ Dei opt. max. *Prædestinavit nos,* inquit Augustinus,
de verb. antequam essemus: Vocauit, cum auersi essemus: glorificauit,
Apostoli. cum mortales essemus. In his, quæ iam habemus, laudamus
Deum largitorem: in his, quæ nondum habemus, teneamus
Deum debitorem. Debitor autem est factus, non aliquid à no-
bis accipiendo, sed quod ei placuit, promittendo.

XXVI.

Et tanta certè est promissæ glorificationis certitu-
do, vt de rebus futuris in præterito loquatur Apосто-
lus, ac si iam completæ essent: *Quos vocauit, glorifica-*
uit, sicut & Ephes. 2. Vnà nos excitauit, & vnà collocauit
in cælis: vbi iam regnat caput nostrum, frater noster
Iesus Christus, cui sit honor & gloria in secula, Amē.

F I N I S.

Umg. VI 45


ULB Halle 3
002 379 767



s. b.

WDA





... vultu...
... dicitur...

... dicitur...

... dicitur...

... dicitur...

... dicitur...

... dicitur...

... dicitur...

... dicitur...


... dicitur...

... dicitur...

... dicitur...

... dicitur...





CATENA AVREA
SIVE
ORDO ADMIRABILIS ACTIONVM DEI
IN NOSTRA SALVTE CONFICIENDA; descriptus à D. Paulo, Rom. 8. v. 29.
breuibus Thesisibus explicatus:

De quibus disputabitur, volente Deo, in Auditorio Theologico. 3. Martij. horis matutinis.

PRÆSIDE

DANIELE TOSSANO S. THEOLOGIE D. ET PROFESSORE.

Respondente

PETRO PINIO EMBDANO FRISIO.



HEIDELBERGAE,
Typis Abrahami Smeismanni.
ANNO MDCCXIII.

